



ЎЗБЕКИСТОН РЕСПУБЛИКАСИ ПРЕЗИДЕНТИ РОССИЯНИНГ “ЛУКОЙЛ” КОМПАНИЯСИ РАЎБАРИНИ ҚАБУЛ ҚИЛДИ



Ўзбекистон Республикаси Президенти Шавкат Мирзиёев 16 март куни “ЛУКОЙЛ” компанияси президенти Вагит Алекперовни қабул қилди.

Учрашувда Вагит Алекперов давлатимиз раҳбарига мамлакатимизда Россиянинг етакчи нефть-газ компанияси иштирокидаги устувор инвестиция ва ижтимоий аҳамиятга эга лойиҳалар амалга оширилишининг бориши тўғрисида батафсил маълумот берди.

Бугунги кунда “ЛУКОЙЛ” Ўзбекистон иқтисодиётига сармоя киритаётган энг йирик инвесторлардан бири эканини таъкидлаш жоиз. Инвестициялар ҳажми 10 миллиард долларга етмоқда.

Хусусан, 8 миллиард куб метрдан ортиқ табиий газни қайта ишлаш қувватига эга Қандим газни қайта ишлаш заводи фаолият юритмоқда. Ҳаузак ва Шоди конлари, Жануби-Фарбий Ҳисордаги конлар ўзлаштирилмоқда. Муҳим гуманитар дастурлар амалга оширилмоқда.

Сухбат чоғида пандемия оқибатларини енгиб ўтиш ва қўшма лойиҳаларни амалга ошириш масалаларига алоҳида эътибор қаратилди.

Қўшма лойиҳаларнинг самарадорлигини ошириш ва “ЛУКОЙЛ” компанияси билан стратегик ҳамкорликни кенгайтиришга қаратилган идоралараро ишчи гуруҳ тузиши ва “йўл харитаси”ни қабул қилишга келишиб олинди.

ЎЗА

Ўзбекистон Республикаси Президенти
Матбуот хизмати сурати.

ТИББИЁТ ВА ИСЛОҲОТ

ЯНГИ ЗАВОДДА

йилига 500 донга ўпкани сунъий вентиляция қилиш аппарати ишлаб чиқарилади



Бугунги кунда дунё миқёсида замонавий тиббий технологияларга талаб ва эҳтиёж тобора ортиб бормоқда. Бу эса, ўз навбатида, янги технологияларни кашф этиш ва ўзлаштиришни тақозо этади. Айни шу мақсадда ўтган йилнинг апрель ойида Инновацион ривожланиш вазирлиги “Shimco Group” компанияси билан ҳамкорлик меморандуми имзолаган эди. Ана шу келишув натижасида “Chirana Asia” Словакия – Россия – Ўзбекистон қўшма корхонаси ташкил этилиб, йилига 500 донга ўпкани сунъий вентиляция қилиш аппарати ва 200 донга наркоз-нафас олиш аппарати ишлаб чиқариш имкониятига эга завод иш бошлади.

▶ Давоми 2-бетда

ЎЗБЕКИСТОН ХАЛҚ ШОИРИ АБДУЛЛА ОРИПОВ ТАВАЛЛУДИНИНГ 80 ЙИЛЛИГИГА

НУРЛИ ОҶАНГЛАР БИЛАН ЙЎҒРИЛГАН ШЕЪРИЯТ

Қарши шаҳридан уч-тўрт чақирим нарида бир пайтлар арши аъло билан сирлашган, ҳозир эса кексайиб, ер қаърига тобора кириб бораётган Қўнғиртоғ исми тоғ бор. Бу тоғнинг этагида қадим даврларда ўзбекнинг неқўз номли уруғи яшаган. Бугун ўзбек элатининг бошқа турфа уруғлари сингари неқўз ҳам халқнинг улуғ ва бепоён уммонига сингиб-қўшилиб кетган. Ҳозир ўша уруғга мансуб аждодлар яшаган жой Неқўз деб аталади. Бундан роса саксон йил муқаддам – 1941 йил 21 мартда Неқўз қишлоғида Наврўз байрами куни бир фарзанд туғилди. Бу фарзанднинг номи бугун бутун дунёга машҳур шоир Абдулла Ориповдир.

Абдулла саккиз болали оиланинг кенжа фарзанди бўлгани учун отаси унинг бошқа акалари қатори Қарши ёки Тошкентга бориб ўқишни дастлаб истамасди. Боғбон ота ўзининг бу ўлмас эли-юртини ноз-неъматлар билан таъминлайдиган, ўзи ҳам самарасидан бебаҳра қолмайдиган хунарини сеvimли фарзандига мерос қилиб қолдирмоқчи эди. Лекин тақдир тақозоси олдида отанинг бу эзгу нияти ҳам рўёбга чиқмай қолди.

▶ Давоми 6-бетда

ХАЛҚ ҚАБУЛХОНАЛАРИДА

“МАҲАЛЛАБАЙ” ВА “ХОНАДОНБАЙ” ЁНДАШУВ — НАТИЖАДОР ВА САМАРАЛИ ТИЗИМ

Мамлакатимиз, халқимиз ҳаётида ҳар куни янгидан-янги ўзгаришлар, янгиланишлар рўй бермоқда. Президентимиз ташаббуси билан ҳаётга татбиқ этилган, юртимизни ҳар томонлама ривожлантириш, халқ билан очиқ-ошқора мулоқот қилишнинг янгича тизими – Халқ қабулхоналари институти ўтган вақт мобайнида бажарилган ишлардан кўра ҳал этилиши лозим бўлган вазифалар янада кўпроқ эканини аниқлаб берди.

адолатни таъминлаш имкониятини яратди. Қисқача айтганда, халқ ичига кириб борилди. Одамларнинг юракларида йиғилиб қолган дардлари, аллақачон ҳал қилиниши мумкин бўлган-у, лекин тўрачилик, ўзибўларчилик, сан-соларлик оқибатида йиллар давомида ечилмай келган муаммолар юзага чиқа бошлади. Энг муҳими, одамлар дардини айтиши, каттаю кичик идоралар раҳбарлари билан юзма-юз гаплашиши, ўзини қийнаётган масалаларига қисқа фурсатда ечим топиши учун қулай имконият юзага келди. Нафақат муаммолар, уларнинг талаб ва тақлифлари ҳам йиғилиб, тегишли амалий чора-тадбирлар ишлаб чиқиши йўлга қўйилди.

Халқ қабулхоналарида фуқароларнинг ариза ва шикоятлари белгиланган тартибда, ҳолислик тамойиллари асосида кўриб чиқилиб, ижобий ҳал этилаётгани мамлакатимизда инсон ҳуқуқ ва манфаатларига олий қадрият сифатида қаралаётганининг ёрқин ифодасидир.

▶ Давоми 3-бетда

ХУДУДЛАРИМИЗДА

САНОАТЛАШАЁТГАН ВОҶА

Куни кеча давлатимиз раҳбари Қашқадарё вилоятида амалга ошириладиган инвестиция лойиҳалари тақдироти билан танишди.

Вилоятда жорий йилда умумий қиймати

11 триллион 300 миллиард сўм бўлган 1 минг 125 та ҳудудий лойиҳа тайёрланган. Шундан 296 та корхона саноатга доир, 449 таси хизмат кўрсатиш соҳасида, 380 таси эса қишлоқ хўжалиги тармоғида ташкил этилиши режалаштирилган. Бунинг натижасида 19 мингдан зиёд янги иш ўрни яратилади. Янги барпо этиладиган корхоналарда йилига 6 триллион сўмликдан зиёд маҳсулот ишлаб чиқариш мўлжалланган. Бу 131 миллион долларлик импорт ўрнини босиш, 180 миллион долларлик экспорт қилиш имконини беради.

▶ Давоми 4-бетда



